

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
Kantonalna uprava civilne zaštite**

Broj: 18/1-40-022490-7/22  
Tuzla, 4.11.2022. godine

Direktor Kantonalne uprave civilne zaštite, na osnovu člana 69. stav 2. tačka d. Zakona o javnim nabavkama ("Službeni glasnik BiH", broj 39/14 i 59/22), u otvorenom postupku javne nabavke i isporuke rabljenih terenskih vozila pick up, 6 komada - LOT 1, donosi

**ODLUKU  
o poništenju postupka javne nabavke za LOT 1 -  
Nabavka i isporuka rabljenih terenskih vozila pick up**

**Član 1.**

Poništava se postupak nabavke rabljenih terenskih vozila pick up - LOT 1, iz razloga što nijedna od dostavljenih ponuda nije prihvatljiva.

**Član 2.**

Ova Odluka stupa na snagu danom donošenja i objaviće se na web stranici Kantonalne uprave civilne zaštite.

**Obrazloženje**

Kantonalna uprava civilne zaštite je Odlukom broj: 18/1-40-022490/22 od 19.9.2022. godine pokrenula postupka javne nabavke rabljenih terenskih vozila pick up i rabljene cisterne za prevoz vode, putem otvorenog postupka.

Ovaj postupak javne nabavke je podijeljen na dva LOT-a, a LOT 1 se odnosi na nabavku rabljenih terenskih vozila pick up, 6 komada.

Procijenjena vrijednost javne nabavke za ovaj postupak je 407.700,00 KM bez PDV-a.

Obavještenje o nabavci broj: 1069-1-1-5-3-4/22 je objavljeno na portalu javnih nabavki dana 20.9.2022. godine.

Krajnji rok za prijem ponuda bio je: 31.10.2022. godine do 10:00 sati.

Kriterij za ocjenjivanje je ekonomski najpovoljnija ponuda.

Kriteriji za odabir ponude su:

- a) Cijena .....70 %  
b) Garantni period ..... 30 %.

Komisija za javne nabavke imenovana rješenjem Kantonalne uprave civilne zaštite broj: 18/1-40-022490-2/22 od 19.9.2022. godine je dana 31.10.2022. godine sa početkom u 11 h izvršila javno otvaranje ponuda i sastavila zapisnik o otvaranju ponuda na kojem je konstatovano da su za ovaj postupak javne nabavke blagovremeno dostavljene dvije ponude i to:

R/b	Datum i sat prijema	Naziv/ime ponuđača (šifra)	Cijena bez PDV-a/ Garantni period
1.	28.10.2022. godine u 13.55 h	Auto kuća - Smajlović d.o.o. Srebrenik	407.592,00 KM/60 mjeseci
2.	31.10.2022. godine u 9.10 h	Fire trade d.o.o. Srebrenik	401.700,00 KM/60 mjeseci

Komisija je dana 3.11.2022. godine izvršila pregled i ocjenu ponuda te je na zapisniku o ocjeni ponuda broj: 18/1-40-022490-5/22 konstatovala da nijedna od dostavljenih ponuda nije prihvatljiva iz sljedećih razloga:

**1. „AUTO KUĆA-SMAJLOVIĆ“ d.o.o. Srebrenik:**

U dijelu tenderske dokumentacije – tačka 9. Tehničke specifikacije predmeta nabavke definisano je da su tehničke specifikacije i količine predmeta nabavke detaljno specificirane u prilogima 3.1. odnosno 11.1. koji čine sastavni i neodvojivi dio ove tenderske dokumentacije.

Kako bi se ponuda smatrala prihvatljivom ponuđene robe moraju zadovoljiti sve traženo iz tehničkih specifikacija. Ponuđač je dužan ponuditi i isporučiti predmetnu robu na način da ista odgovara svim tehničkim uslovima i karakteristikama koji su navedeni u tenderskoj dokumentaciji.

U tački 15. tenderske dokumentacije propisano je da se pri pripremi ponude ponuđač mora pridržavati zahtjeva i uslova iz tenderske dokumentacije. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68. Zakona.

U tehničkim specifikacijama-osnovne karakteristike vozila (prilog 11.1) definisano je da pređeni kilometri iznose maksimalno 200.000 km i da je ponuđač obavezan da dostavi dokaz o pređenoj kilometraži za svako ponuđeno vozilo (potvrda servisa). Ponuđač nije dostavio traženi dokaz, te ugovorni organ nije mogao utvrditi da ponuđena vozila odgovaraju traženim tehničkim specifikacijama u pogledu maksimalne pređene kilometraže.

**1. „FIRE TRADE“ d.o.o. Srebrenik:**

1. U dijelu tenderske dokumentacije PODACI O PONUDI, Sadržaj ponude i način pripreme ponude, u stavu 13. propisano je:

“Da bi se ocijenilo u kojoj su mjeri ponude u skladu sa opisom predmeta javne nabavke, ponuđači su obavezni dostaviti sljedeće: katalog ili prospekt ili fotografije ili ispis sa internet stranice pri čemu prilikom ispisa treba biti vidljiva adresa web stranice (<https://www...>) iz kojih se može zaključiti da ponuđena roba odgovara traženim tehničkim specifikacijama. Katalog ili brošura moraju biti prevedeni na jedan od službenih jezika u Bosni i Hercegovini”.

Ponuđač je dostavio samo fotografije ponuđenih vozila fotografisane odgovarajućim uređajem, na kojima je vlastoručno upisani marka i tip vozila gdje se vidi samo vanjski izgled vozila, ovjerene pečatom ponuđača, bez bilo kakvih dokaza o ispunjenosti traženih osnovnih karakteristika vozila i ostalih uslova definisanih tenderskom dokumentacijom, a preciziranih u prilogu 11.1.

2. U dijelu tenderske dokumentacije tačka 9. Tehničke specifikacije predmeta nabavke definisano je da su tehničke specifikacije i količine predmeta nabavke detaljno specificirane u prilogima 3.1. odnosno 11.1. koji čine sastavni i neodvojivi dio ove tenderske dokumentacije.



Kako bi se ponuda smatrala prihvatljivom ponuđene robe moraju zadovoljiti sve traženo iz tehničkih specifikacija. Ponuđač je dužan ponuditi i isporučiti predmetnu robu na način da ista odgovara svim tehničkim uslovima i karakteristikama koji su navedeni u tenderskoj dokumentaciji.

U tački 15. tenderske dokumentacije propisano je da se pri pripremi ponude ponuđač mora pridržavati zahtjeva i uslova iz tenderske dokumentacije. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68. Zakona.

U tehničkim specifikacijama - osnovne karakteristike vozila (prilog 11.1) definisano je da pređeni kilometri iznose maksimalno 200.000 km i da je ponuđač obavezan da dostavi dokaz o pređenoj kilometraži za svako ponuđeno vozilo (potvrda servisa). Ponuđač nije dostavio traženi dokaz, te ugovorni organ nije mogao utvrditi da ponuđena vozila odgovaraju traženim tehničkim specifikacijama u pogledu maksimalne pređene kilometraže.

Kako je komisija utvrdila da nijedna od pristiglih ponuda nije prihvatljiva, ista je predložila ugovornom organu da u skladu sa članom 69. stav 2. tačka d. Zakona o javnim nabavkama (Službeni glasnik BiH broj 39/14 i 59/22) poništi postupak nabavke za ovaj LOT.

Članom 69. stav 2. tačka d. Zakona o javnim nabavkama ("Službeni glasnik BiH", broj 39/14 i 59/22), propisano je da je ugovorni organ obavezan poništiti postupak javne nabavke u slučaju da nijedna od dostavljenih ponuda nije prihvatljiva.

U skladu sa naprijed navedenim, odlučeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi Kantonalnoj upravi civilne zaštite u pisanoj formi u najmanje 3 (tri) primjerka ili elektronskim putem.

Dostaviti:

1. Auto kuća-Smajlović d.o.o. Srebrenik
2. Fire trade d.o.o. Srebrenik
3. Na web stranicu KUCZ i
4. a/a.



**Direktor**

*Mirza Džinović*

Mirza Džinović